



# ALEXANDRI JVLII EDINBURGENI

SCOTO-BRITANNI SYLVARVM  
LIBER.



EDINBURGI,

Excudebat THOMAS FINLASON, Typographus  
Regis M. 1614.

THE HISTORY OF THE  
CITY OF LONDON  
FROM THE FOUNDATION  
TO THE PRESENT  
STATE

By JOHN STOW.  
The first Edition.  
Printed by I. I. for W. B. at the  
North Door of St. Dunstons Church.

CAROLO DIVINO BENE-

FICIO SCOTORVM & VVALLIAE

Principi Serenissimo, gratia pax & salus in

CHRISTO sempiterna.

UM in publica omnium Letitia. partim Regni & Reipublicae, partim felicitati suae gratulantium de iucundissimo nuncio fratris olim tui, mi Princeps, divino beneficio sum tempore in hanc vitam ingressus, animus mihi quoque, sicuti par erat, è tanta re nata, & tam diu sperata, non mediocriter gaudio exultaret: Quod, quia tum vel gestu & sonora exultantium voce, ut plerique omnes populares nostri, ac praesertim Sterlini patriae urbis illius cives, vel vultu palam pra me ferre sub iusticus quidam pudor vetaret (vultum enim mihi suae naturae, siue consuetudo potius, ad tristitiorem quandam severitatem formasse videtur,) Illud certe nec me minus dignum, & tuae Celsitudini magis jam gratum fore existimaui si Letitiam inde perceptam, quam tum aperte non tulissem, hac qualicunque scripturae significatione denuò testatam renouarem, quamquidem scripturam situ pene squalentem, cum apud me in museo inter ceteras nostras schedas negligentius reiectum offendissem in T. C. jam nomine apparere volui, quasi grati animi mei, & quati nunc C. illumque, mi Princeps, olim jure colebam debita observantia testificationem: Cujus enim ego natalitium libentius memoria tenerem, quam tanti olim Principis, quem ego infantem tenellum, ut alteram quondam amplissimi imperij spem ulnis nonnunquam, & sinu complexus gestabam, cujus puerilem animum puerilibus blanditiis delinitum ita mihi olim conciliabam, multa subinde cum illo familiariter & pueriliter jocanti, ut saepe percontanti mihi quænam mihi fuerit saepius ab illo responsum hoc tulissem, Is sum qui fuero tibi dulcis avicula semper. Hac autem natalis ejus, mi Princeps, celebratio sicuti ad illius temporis

poris rationem, quo primum a nobis conscripta est, & ad memoriam nostram tum conditionis referri debeat, sic etiam, quæ huc accessit gratulatio de Regis nostri serenissimi Sterlinum quondam reditu carmine minus, quam par fuerat, honore celebrata, multos ante annos R. M. oblata, nunc quæ, ut olim, ad patris & tui, mi Princeps, desiderium accommodanda est; quoquidem hinc omnes vehementer incensi etiamnum laboramus. Carmen autem illud eo accuratius T. C. commendandum censui, quod expressus raram illam quidē Ideam paterni ingenij paucis completi videatur, tanquam Archetypum quoddam rudi Minerva delineatum, & quasi speculum sapientis tibi consulendum, in quo jam te ipsum venerandam paternæ humanitatis, clementiæ, & probitatis effigiem vivam contemplans ad veræ laudis paternæ hereditatem aspirare videaris. Omnes enim de Principe serenissimo cives bene existimantes vota in dies singulos facimus, ut sælici auspicio in societatem paternarum laudum venisse te aliquando latemur, & in demortui fratris locum surrogato epigrammatis præfixi & Genethliaci fraterni encomia non minus jam tibi jure hereditario vendicare possis, quam olim fratri hanc vitam incolenti non immerito tribuebantur. Postremo loco Genethliaco fratris subiicienda curavimus epithalamia quædam, eisque epice dia nonnulla a nobis conscripta, & tui nominis amplitudini nuncupata, ut tametsi omnes sciant ideo se natos esse ut alij a sese nascantur, & conjugium scitum esse divinum, eamque ob rem in honore habendum quod naturali libidinis titillationi, eo remedio uti, & ab omni turpitudine abhorre a Deo mandetur, homines tamen sese natos esse meminerint, & dum voluptatibus quamvis licitis indulgent mortem tamē aliquando cum vita eis commutandam esse cogitent: namque

Nāscimur ut thalamus tandem genialis adultis

Prole beet nobis, exhiletetque lares:

In thalamo tumuli memorem decet esse futuri

Spernentem vitæ gaudia vana brevis.

Hoc vero munusculum sine verborum concinnitate crassa tantum Minerva ad puerile fratris ingenium jam olim exaratum & jam tuo mi  
cipies

*Princeps, nomini commendatum, pro ista clementia in eam partem accipies, ut ab animo tui omni observantia dignissimi studioso profectum. Vale & salve in Christo plurimū principum longē omnium gravissime, totiusq; orbis terrarum, nosiriq; seculi principum facile Princeps.*



*Ad CAROLVM Divino beneficio Scotorum & VVal-  
lie Principem Serenissimum Alex<sup>r</sup>. Julij Epigramma.*

**Q**uem terna tandem jure sceptrā vendicent  
Paterna, bis binaque simul.  
Vel jure cujus debeantur indoli  
Maturiori, spes, caput,  
Columen futurum pervetusti; imperij  
Altæque gentis gloria,  
Camæna sæpe ut nuper infantaria  
Hæc foetuum donaria  
Offert, pudore infante, pene infantia,  
Pannis & annis obsito  
Amicta cultu, Principis patrocini, et  
Auræ faventis indiga:  
Tantilla tanto quæ sacrare nomini  
Non amplitudo terreat,  
Tam rara pulchro quando se clementia  
Vulnū renidens exerat:  
Adsis favensq; grata Princeps inclyte  
Tuere mentis pignora,  
Te digniorum ut post colaris munerum  
Benigniore copia.



HENRICI FRIDE-  
RICI SERENISSIMI QVON-  
DAM SCOTORUM & WALLIAE  
Principis Genethliacum, octavo ab ejus nata-  
li die Regiæ patris ipsius M. oblatum.

**D**Ulcibus unde novi stimulis agitata furoris  
Mens mihi blanda novæ ponit certamina Musæ?  
Pierides sacris cur fontibus ora relaxant  
Clauſa diu? *Aonie* florent viridaria ſylvæ?  
Tu decus *Aonidum*, votorum ſumma piorum,

Lætitięque animi argumenta ingentia vatum,  
Regia progenies, thalami fors prima, Camenę  
Cui pia purpureis redimitæ tempora vittis,  
Nunc *Pæana* canunt, nūc *Phæbo* digna loquūtur.

Vana procul dubię valeant præſagia mentis,  
Impia ſortilegę cedant procul omina linguę,  
Sit numeros tentare nefas *Babylonis* inertes,  
Fata recensere, & fortunas Principis alti;  
Nil tamen invidiæ eſt, animo pia vota ſoventem  
Velle frui optatis, grataque hæc voce fateri:

Nam quis præteritos lachrymis æquare labores,  
Acceptas clades, exhausta pericula fando,  
Aut queat averſo luſtu meminiffe malorum,  
Queis Deus accenſa miſeros exercuit ira.  
Hoc iam etiam reſ ſūma loco, quot monſtra, quot ulla



# GENETHLIACVM.

Terra vides scelerum facies, tot cæca furore  
 Terra Britanna foves, grassatur libera passim  
 Impietas, sine more ruunt, sine lege, nocendi  
 Inflammato animo rabies quos improba mētis  
 Exigit, abruptum fas omne, impunè superbi  
 Gloria spreta throni jacet: ô fera tēpora! mores  
 Sacrilegos! immane nefas ô turpiter ausos!  
 Flagitium tua poena tuum est, scelus anne merentem  
 Expendisse vides? jamjamque expendere, sanctæ  
 Legis in obsequium ullius gens nescia flecti?  
 Hinc pavor, hinc luctus dubios crudelis ubique  
 Exagitant animos, & plurima mortis imago;  
 Dum tumidas tonat ore minas vicinia, dumq;  
 Dira iterum emenso pelago tentare *Britannos*  
 Monstra sinus, mediâq; parant consistere terra  
 Et glomerare manum bello, & fera fata minari,  
 Quam Deus hisce velis terris avertere pestem,  
 Ut quæ quisq; sibi metuit, quæq; intonat hostis,  
 Hostis in exitium ipsius conversa feramus.  
 Quid moror? aut ultra vehor hæc ingrata revolvens?  
 Scindimur immemores studia in contraria cives,  
 Obstamusque aliis alii, iuvat ense cruento  
 Ultricique animos flamma satiare furentes,  
 Mutua fulmineas vibrare in vulnera fidas:  
 Prædator latos vastans cultoribus agros  
 Insidiis fundit, cava quos circumvolat umbra  
 Noctis, & alma dies radiis tepefecit abortis.  
 En rebus fortuna tuis iam *Scotia*, fato  
 Scilicet incolumis mansit, populator iniquo,  
 Ut meritas pendas violati numinis iras.

Sed tamen ut pelagi rabie, longûq; procella  
 Cum quassam *Eolia* nox intempesta carinam

Exani

PRINCIPIS HENRICI,

Exanimarit, eamque diu prædonis adunco  
Prenderit harpago morfu: hîc si flamina ponit  
Si mare sternat aquis aspirans blandior aura,  
Si iubar exortum radiis patefecerit orbem,  
Tutaque tranquillas liceat dare vela per undas,  
Detur ut optatum votis contingere portum;  
Corda diu suspensa metu iam blanda vicissim  
Gaudia pertentant, posita formidine nautis:  
Sic meritis domitam plagis te *Scotia* plausus  
Excipit, & melior tandem fortuna revisit.  
Nam pater ætherius posita placabilis ira,  
In populum male gratum animum mentemq; benignâ  
Accipit, & facilis fessam post multa tuorum  
Funera, post varios rursusque urbisque labores  
Respicit, atque boni dans signa secunda futuri,  
Turbida tristitiæ vult cedere nubila, dulci  
Principis exortu ut renoventur gaudia mundi.

Ergo tibi lætos genitor celebramus honores,  
Quod decima hæc soboles extrema ab origine gentis  
Per seriem patrii ius immutabile sceptri  
Firmat, & illa decus *STEVARTI* nominis augens,  
Imperii iam solatur prope damna ruentis;  
Hanc sine nos teneræ tanto de semine prolis  
Non dubiam spem ferre, huius quam prisca tulerunt  
Secula domus, cuius rara est clementia regni,  
Rara fides, decus, & raræ virtutis imago,  
Munia seu pacata obeat, seu bella capeffat.

Ergo age nunc venerâde puer regalibus orte  
Auspiciis, preciosa quies, & gaudia solis  
Nata piis, formido malis, terrorque profanis,  
Et patris, & regni decus immortale paterni;  
Aurea quem circum clara pax luce refulget,



## GENETHLIACVM.

Corpore macte esto incolumi, crescentibus annis  
 Ingenio, virtute nova cùm adoleverit ætas,  
 Percellatque animum patriæ pietatis imago:  
 Aura velut gemmam de palmite blanda tenellam  
 Evocat, & pulchrum gerinen viridantis olivæ  
 Cùm tepidi refovent soles, sensumque quietas  
 Concipiunt vires, & pinguis pabula fibræ,  
 Dum validus lento obducatur se cortice truncus,  
 Ut videas summis æquare cacumina tectis:  
 Sic teneros miranda artus quæ finxerat arte,  
 Materno in gremio subtili involvit amictu,  
 Ætherium moli moribundæ afflaverat ignem,  
 Infantem elicuit gratas in luminis oras,  
 Sollicita foveat coeli indulgentia cura;  
 Dum matura ætas, dum vita domestica patrum  
 Excitet in veterum virtutem, animosque viriles  
 Dum juvet inventas mentem excoluisse per artes,  
 Consilioque animi sano, & maturior ævo  
 Instituas belli, pacisque imponere morem,  
 Atque tui memores alios fecisse merendo,  
 Omnia magnorum non unquam indignus avorum.  
 Fallimur? an frustra hæc hebetem fiducia mentem  
 Occupat? & vana deludit imagine sensum?  
 Scilicet haud fallax animum mihi decipit omen,  
 Verborumque fidem facient eventa piorum,  
 Nominis auspicio tanti se gloria tollet  
 Imperii, sincera fides, blanda otia pacis,  
 Te duce sancta colet terras *Æthereas* beatas,  
 Gloriaque optati renovabitur aurea sæcli;  
 Appluet hinc comes *Æthereæ* bona copia coelo;  
 Sic nova mortales hilarabunt gaudia vultus,  
 Jurgia sic litis, violentia, crimina fraudis

PRINCIPIS HENRICI,

Destituent miseros in secula multa *Britannos*.

Ore favete omnes mecum pia turba, secessat

Invidia atque aliò liventia pectora flectat,

Dum vota hæc faciens prælagia fausta pererro.

*Thosphorus* auroræ noster sic prævenit ortus,

Ut gelidæ tepeant nascenti sidera brumæ,

Ut faciem cæli lampas phæbæa serenet,

Pacalisque pyræ dent clara incendia lucem,

Accensa ut noctem flammis funalia vincant,

Cuncta Deo grates fora, compita, templa sonarent,

Lætitia exultet lactans infantia, robur,

Flosque virum, pueri, primævo flore juvenus,

Virginitatis honos, matronaque sancta, senatus

Concilium plausuque fremat, lætæque choreæ

Cantibus, huncque diem celebri signarit honore:

Scilicet arcano factum est hoc numine, numen.

Consopita novo pulsavit pectora motu.

Si locus omen habet, si quid sibi vendicet ortus,

Quæ major fortuna loci? quàm cujus amæna

Regia, regales animos, & pectora quondam

Produxit, natos tot sustulit antea reges,

Horrenda imprimis hæc relligionis honore,

Regibus unde omen fuerat sua sumere sceptrâ.

Vos quoque foelices foelici prole parentes

Cogitis haud dubias tacitis spes addere votis,

Quorum animi, quorum ut virtus spectata, probati

Conveniunt mores sic nobilitatis honori.

Si quibus hanc videor spem vanam, & vota fovere

Hic tacito obtutu, hinc hærentes pectore toto,

Cernite quanta infans divini signa decoris,

Quàm gerat immotos oculos, qui spiritus illi;

Discite sidereo radianti lumine vultu,

Quem

# GENETHLIACVM.

Quem sese ore ferat, quantumque sit instar in ipso,  
Hinc quantum eniteat decus, & pax aurea, quam se  
Debita venturo prodat clementia scepro.  
Salveto ut regni, sic connubialis amoris  
Pignora sic procerum pacalia: fallor an ulla  
Ullo se tantum tellus jactabit alumno,  
Spe proavos tantum tollet suscepta propago  
Conjugio é tanto, & foelici fidere nata,  
Dummodo longævo longum superesse parenti  
Fata sinant, ~~roseæ~~ nec rumpant fila juventæ.

Gloria cum talem maneat cum gratia partum  
Omnis in hoc charo stet principe cura parétur:  
Cum poterit notas audire & reddere voces,  
Imperii a tenero simulachra exerceat ævo;  
Ceusultus solio æquævis det jura ministris,  
Concilium tanquam regni de rebus habere  
Incipiat, fontum vitas & crimina discens,  
Hos poena, meritoque bonos dignetur honore;  
Nilque novum gelidas hyemes tolerare, labores  
Sit vigiles, inopi jeiunia solvere victu;  
Ut lachrymæ rerum, & mentem mortalia tangant:  
Indolis ille suæ specimen det, regius ante  
Quam puer arcanos cupiat cui credere sensus:  
Tum quibus utatur videat florentibus annis;  
Fluxa quibus pigro torpescunt membra Veterno.  
Quique sovent molli effusæ sua tempora luxu,  
Gens secura Dei, & divini foederis, exlex,  
Quique suum duplici fucarunt pectore sensum,  
Auri sacra fames, & amor queis crescit habendi,  
Principishaud fas sit sacratum insistere limen:  
Ast aliquid si agitat mens ulli invadere magnum,  
Si pietas docuit quenquam contemnere sordes,  
His sociis feros longævus compleat annos,

PRINCIPIS HENRICI,

Sitque fides vocom, rerumque his magna suarum;  
His fociis cieat pugnae simulachra sub armis,  
Pectus in adversum ceu vel ferat obvius hostem  
Ipse pedes, vel equi fodiat calcaribus armos,  
Sic facili tractare manu in discrimine veri  
Martis ut arma queat, tela ictu infesta laceffens,  
Cum pietas, regnique salus cum postulat illud :  
Sic animum accendat laudum non parca cupido,  
Ut tamen ingenii minor haud sit gratia tanti,  
Cum datur ingenuas pectus coluisse per artes,  
Cura animi ut firmo crescat cum corporis auctu :  
Nam venit incultis tantum paliurus in agris,  
Mista filix tribulis, & spinis horrida sentis,  
At doctrina feros emollit candida mores,  
Noxia proscribens animi contagia pravi.  
Hinc legat æternis mandata oracula tabellis,  
Quò trahat ætherium divini luminis haustum,  
Doctus ut inde sui, & norit Rex esse suorum;  
Deliciasque breves, apices perituraque regum  
Munia terrenum, ut coelum suspiret in ipsum,  
Cœlestem expectans exerto vertice regem,  
Aligera comitante manu ius dicat ut orbi,  
Poena sua ut scelere, sua sint ut præmia laudi.  
Quod superest sobolis generoso fertilis ortu  
Stet domus, inque pios intret *Lucina* penates  
Sepius, & multæ det jus letabile prolis  
Rerum opifex nullo retrahens sua munera seclo,  
Regalesque animos firmet virtute, coronet  
Agmine cælesti tutam hanc in secula gentem,  
Imperio terræ dederit qui tanta *Britanna*  
Lumina, qui patriæ tantam domuique cadenti  
Ferret opem; quanta nec erunt post usa nepotum  
Secula, nec quanta prius usa fuere parentum.

Carmen

CARMEN GRATVLA TO.

rium de *JACOB* 16. Scotorum

Regis Serenissimi incolumi *Sterlinum* reditu, cum ab ea urbe sua diutius abesset, civium *Sterlinensium* nomine etiamnum maximo ejus videndi desiderio flagrantium multos ante annos scriptum.



RETA suum, si jure suo, *Minea* crepabit,  
 Fatidici sobolem regis *Schelomona* propago  
 Aut *Solymea* suum, pariter gens cætera claros  
 Virtute, insignes regalique indole reges,  
 Quos sua quæq; tamen decorant præconia laudum

Quid fuerit tandem invidiæ si SCOTIA Regem  
Instat cunctorum, magni incrementa Tonantis,  
Scotigenam, tantumq; suum jactabit alumnum:  
Materies superabit opus: superetur ab illa:  
Vocula non tam grande sonat, non concipit intra  
Pectora mens tanti, tam rara insignia regis:  
Hæc famuli sat habent capiti munuscula regni  
Ferre suo, ut gratam testantia pignora mentem;  
Authorque audendi est frons tranquilla serena  
Gratia, pacatoque micans pax aurea vultu.

Maeste animo, maeste ingenio Rex inclyte summo,  
Sera licet, major votis tamen omnibus una  
Spes, columnen patriæ, generis lux aurea, regni  
Immortale decus patrii viridisque juvente  
Purpureum lumen, magno miracula mundo,  
Nobile divini monumentum, & pignus amoris,  
Pignus amicitie procerum, & pacalis oliva :

*Carmen gratulatorium.*

Quæ regio in terris fama super æthera noti  
Nominis ulla tui non est plenissima? tantum  
Quem fore tot cecinere ante incunabula, cuius  
Divinumque ortum stupuere oracula vatum.  
Ast vatum ignaras mentes tam rara fefellit  
Gratia, purpureis largè suffusa labellis,  
Tantaque tot latuit maiestas regia vates,  
Imperio dignæ maiestas regia formæ;  
Gratior & veniens specioso è corpore virtus,  
Congrua spectandæ virtutis & actio formæ;  
Tot laruere sacræ cælestia pignora mentis,  
Consilii vis tanta tui, mens proxima cælo,  
Magna manu versare audens, maiora capescens,  
Maxima concipiens, iustèque pièque furenti  
Ambitione procul: nam non tibi debita censes  
Poscere sceptrâ nefaâ, fas debita iure tueri  
Et meritis gentem immensis implere *Britannam*  
Omnia pacanti dextræ terraque marique  
Omnia concedent regum monumenta priorum,  
Partaque de bello bene gesto insignia laudum:  
*Scotia* dat magnum, maius dabit *Anglia* nomen,  
Cum *Gallo* famulasque manus tensurus *Hibernus*,  
Laurea pacali tandem sic cedit olivæ,  
Unica tot sceptris sat erit cùm dextra gerendis.  
Nil magis in voto est, quam vota explere rogantum;  
Vota modesta ullus confusa pudore repulsæ  
Jure queri poterat, mentis nisi livor iniquæ?  
Totius orbis opes animis dum largior æquas  
Largo animo largè respondent munera dextræ,  
Fœlicem nimium sobolem, nimiumque potentem  
Scotigenam! propria hæc si dona augusta manerent,  
Seraque canities longævo vertice fusa



*Carmen gratulatorium.*

Serius hoc ævo tardos tibi proroget annos :  
Nominis auspicio ut tanti ventura residant  
Bella tui, passim pax ut tranquilla colatur,  
Sub duce te pacis, duce te pietatis alumno ;  
Ut populo dicas folio subnixus ab alto  
Jura tuo, legesque feras Justissimus author,  
Et mollire queas leges clementer acerbis  
In populum puræ sub religionis honore,  
Quem regis aurati iusto moderamine sceptri,  
Unde *Caledoniæ* lætum canet incola terre,  
*Scotica* se tantis attollet gloria rebus.

Fallimur ? an nec vana fides ? non vana feretur  
Cum roseo niteat vultu tantum instar in ipso  
O decus omne tuis, decus & tutela *Stuarti*  
Nominis ; ut soli cedat fiducia laudis  
Tanta tibi, quanta est orbis mensura patentis,  
Quantaq; perpetui mensura est temporis ævi :  
Tale tuum læti nomen grato ore salutant  
Quos habet urbs antiqua viros *Sterlinia* quosq;  
Jam gremio fovet alma suo, frondentis olivæ  
Gratantur reduci præcincti tempora lauro, &  
Lumine lætati vultus radiantis amico ;  
Tale tuum tota nomen celebratur in urbe  
Urbe tua, veterum quondam quæ sola parentū  
Grata domus fuerat, longum prope sola voluptas :  
Seu pavidas agitando feras posuisse iuvabat  
Tempora, seu celeres varia formidine damas.  
Seu catulo pronum leporem sectando sagaci,  
Vel nemus incultum, vel prata nitentia flore  
Lustrando, & latè saltus venantibus aptos,  
Aut facilem nisi prædam captando volucrem,  
Cum procul ambiguis transmisserit æra pennis :

Seu

*Carmen gratulatorium.*

Seu libuit læto complere palatia cœtu,  
Rupibus æriis, solido fundamine montis  
Fulta hîc regali longum lætissima pompa  
Regia, conciliis regum tranquilla priorum  
Curia, longè alias supra caput altior arces  
Extulerat; sed iam tanto quod lentus abesses  
Tempore, sollicitos multum est testata dolores:  
Nam prius antiquis hac tolli sede secundum  
Regibus esse omen, vel fata benigna volebant,  
Fata Dei facilem nutum arbitriumque secuta;  
Rara vel heroum fidei constantia gentis,  
Gentis ibi heroum mentem sine crimine fraudis  
Et sine labe manum sceleris quæ fida gerebat  
Et gerit in patrii decus, & tutamina sceptri  
Pectora, quæque tuo regni pro iure pacisci  
Rem, decus, & vitam nullo dubitaverat ævo.

Ergo tibi heroas tua cùm *Sterlinia* tantos  
Proferat urbs, tantos pariter nutricia reges  
Sustulerit, reduci tantumque applaudat alumno  
Lætitia exultans, quantum illi pectora luctu  
Torpida tabescunt sine te, singultibus ora  
In mediis quantum squalent rorata per imbrem,  
Orat ovans, donis iam non cumuletur ut amplis,  
Sed Deus extentos facundi *Nestoris* annos  
Det tibi, qui dederat pectusque & *Nestoris* ora:  
Serus ut in cœlum redeas, liceatque tueri  
Ut longum istius radiantia lumina vultus,  
Et iucunda tui præsentis copia mentes  
Sæpius exhilaret longo in mœrore iacentes:  
Nam sine te assiduo languescunt pectora luctu.

FINIS.

C 14659  
14664

REPRODUCED FROM THE COPY IN THE  
**HENRY E. HUNTINGTON LIBRARY**

---

FOR REFERENCE ONLY. NOT FOR REPRODUCTION